

1920Թ. ՄԱՅԻՍՅԱՆ ԱՊՍՏԱՄԲՈՒԹՅԱՆ ՀԻՄՆԱՀԱՐՅԸ
ԽՈՐՀՐԴԱՀԱՅ ՊԱՏՄԱԳՐՈՒԹՅԱՆ ՄԵՋ

ԶԱՌՅԱՆ Ս.Մ.

Հայաստանի Առաջին Հանրապետության տարիներին «դաշնակցական տիրապետության» դեմ բոլշևիկների գլխավորած քաղաքական և սոցիալ-դասակարգային պայքարի ընդհանուր համալիրում առանձնակի ուշադրության է արժանացել 1920թ. մայիսյան շարժումների համակողմանի ուսումնասիրությունը: Այդ հիմնախնդրով խորհրդահայ կուսակցական և պետական գործիչներն ու պատմաբանները սկսել են զբաղվել արդեն իսկ 1920-ական թվականներին: Որպես կանոն, Հայաստանի խորհրդայնացման և Մայիսյան ապստամբության պատմության հարցերը դիտարկվել են միասնության մեջ, կամ առաջինը համարվել է երկրորդի տրամաբանական շարունակությունը: Այս հարցի ուսումնասիրությունը ժամանակին անդրադարձել են Շ. Հարությունյանը¹ և Պ. Ս. Մայիլյանը հատուկ աշխատությունում², որն ունի նաև աղբյուրագիտական արժեք:

Մայիսյան ապստամբության վերաբերյալ պատմագիտական և հրապարակախոսական գրականության մեջ առաջին հեղինակ կարելի է համարել Ալեքսանդրապոլի շարժման ղեկավար Ավիս Նուրիջանյանին: Նա արդեն 1920թ. հունիսի սկզբին Բաքվի «Կոմունիստում» տպագրեց «Ապստամբություն Հայաստանում» հոդվածը, իսկ հուլիսին գումարված Կոմինտերնի երկրորդ կոնգրեսում ներկայացրեց «Կոմունիզմը Հայաստանում» զեկուցումը:

1919-1930-ական թվականներին հրատարակվեցին Ա. Հովհաննիսյանի, Շ. Ամիրխանյանի, Թ. Մանդալյանի, Ա. Խանոյանի, Ա. Մելիք-Շահնազարյանի և այլոց աշխատությունները, որոնք պատմագիտականից զատ, ավելի շատ ունենին հուշագրական-աղբյուրագիտական նշանակություն և քաղաքական-քարոզչական ուղղվածություն³: Հրատարակվել են նաև մի շարք ժողովածուներ, որտեղ ամփոփվել են ապստամբության մասնակիցների հուշերը և արխիվային բազմաթիվ փաստաթղթեր⁴: Այս շարքում ուշագրավ են հատկապես Ս. Կասյանի աշխատանքները:

¹ Հարությունյան Շ. Ռ., Պատմագիտության զարգացումը խորհրդային Հայաստանում, 1964-1988, Ե., 1990, էջ 333-341:

² Մայիլյան Պ. Ս., Հայաստանում սովետական իշխանության հաստատման պրոբլեմը սովետահայ պատմագրության մեջ (ՀՍՍՀ ԳԱ Հասարակական գիտությունների գիտական ինֆորմացիայի սեկտոր, Գիտա-ինֆորմացիոն բյուլետեն, 1974, N1):

³ Հովհաննիսյան Ա., Հայաստանի հեղափոխության հուլիսն ու հոկտեմբերը, Ե., 1932, Նույնի՝ Համազգային կրիգիսը, Ե., 1926, Ամիրխանյան Շ., Մայիսյան ապստամբությունը Հայաստանում (1920), Գնահատության փորձ, Մ., 1926, Մանդալյան Թ., Մայիսյան ապստամբությունը, Ե., 1929, Խանոյան Ա., Մայիսյան ապստամբությունը, Ե., 1930, Մելիք-Շահնազարյան Ա., Մայիսյան ապստամբությունը Հայաստանում, Ե., 1930:

⁴ Մայիսյան ապստամբությունը Հայաստանում, 1920-1930 (Հիշողությունների և դոկումենտների ժողովածու), Ե., 1930, Առաջին մասսայական հեղափոխական շարժումները Հայաստանում (Մայիսյան ապստամբությունը, Նյութեր և փաստաթղթեր), կազմեցին Կ. Ղազարյանը և Մ. Ներսիսյանը, Ե., 1932:

⁵ Կասյան Ս., Զախության հիվանդությունը մեզանում (Նոր Ալիարհ, Թիֆլիս, 1922, № 2), Նույնի՝ Հայաստանում տնտեսական դասակարգային ստրուկտուրան (Նոր Ալիարհ, 1922, № 1), Նույնի՝ Ռուսական ինքնակալության քաղաքականությունը Անդրկովկասում (Նորք, 1923, գիրք 3):

Բնութագրական է, որ 1920-1930-ական թվականներին Առաջին Հանրապետության պատմության հարցերին նվիրված գրականությունը գերազանցապես միտված էր միայն Մայիսյան ապստամբության պատմության ուսումնասիրությանը, իսկ մյուս հիմնահարցերը գրեթե անուշագրության էին մատնված: Այս հանգամանքը հարկ է բացատրել պատմագիտության պատմակուսակցական բնույթով, պրոֆեսիոնալ պատմաբանների պակասով և, իհարկե, արդեն իսկ ձևավորվող պատմագիտության ստալինյան հիմնադրույթների հարուցած կաղապարներով:

Քննվող թեմայի գիտական ուսումնասիրության սկզբնավորողը եղավ այդ ժամանակ ՀԿԿ կենտկոմի գլխավոր քարտուղար Աշոտ Հովհաննիսյանը, որի ծավալուն հոգվածը տպագրվեց արդեն 1923թ.⁵: Ընդհանուր գծերով ներկայացնելով ապստամբության պատմությունը՝ հեղինակը հետևյալ պատգամն է թողնում. թեմայի ապագա ուսումնասիրողներին. «Սայթաքումներն անխուսափելի են, բայց ե անհրաժեշտ: Քանի որ ղրանով է միայն հնարավոր մշակել կայուն տեսակետ՝ մոտիկ անցյալի գալիք ուսումնասիրողների համար»:

Հարցին որոշակի քննադատական տեսանկյունից է մոտեցել Դիլիջանի ռազմահեղափոխական կոմիտեի նախագահ Շավարշ Ամիրխանյանը⁶, որը ներկայացրել է ապստամբության պատմության ընդհանրացված ակնարկը: 1927-1928թթ., Մայիսյան ապստամբության նկատմամբ ծագած առանձնակի հետաքրքրության պայմանավորված, կուսակցական մամուլում սկիզբ առավ բանավեճ՝ մտքերի փոխանակություն: Ա.Հովհաննիսյանի և Շ.Ամիրխանյանի վերոնշյալ աշխատությունների քննադատությանը հանդես եկան Գ.Վանանդեցիս⁷, Հ.Դուրգարյանը⁸ և ուրիշներ: Հետաքրքիր է Մայիսյան ապստամբությանը վերոհիշյալ հեղինակների տված գնահատականի բազմազանությունը: Աշ. Հովհաննիսյանն այն բնութագրում էր որպես «բանվորական, զինվորական և գյուղացիական լայն մի շարժում», Շ. Ամիրխանյանը՝ «մասսայական, գյուղացիական ապստամբություն», իսկ Հ. Դուրգարյանն այն համարում էր վաղաժամկետ ելույթ, գրեթե արկածախնդրություն՝ զուրկ հասունացած օրյեկտիվ պայմաններից: Ապստամբության մասնակիցներից Թադևոս Մանդալյանը, իր հերթին անվերապա հորեն «մերկացնելով» ապստամբության բոլոր քննադատներին, միաժամանակ փորձում է հիմնավորել ՀՀ Դաշնակցության խոշոր բուրժուազիայի կուսակցություն լինելու տեսակետը⁹: Այս առումով, նա իր անհամաձայնությունն է հայտնում մասնավորապես Ա.Հովհաննիսյանի և Շ.Ամիրխանյանի ձևակերպումներին: Բորյանն իր երկհատոր աշխատության մեջ խստորեն քննադատում է Արմենկոմի գործունեությունը և կարծում, որ այն գտնվում էր «դաշնակցության գաղափարական ազդեցության ներքո», և ավելին՝

⁵ Տե՛ս Հովհաննիսյան Ա., Հայաստանի հեղափոխության հուլիսն ու հոկտեմբերը. Մայիսյան ապստամբությունը (Նորք, գիրք 2, Ե., 1923, էջ 97-140):

⁷ Հովհաննիսյան Ա., նշվ. աշխ., էջ 97:

⁸ Տե՛ս Ամիրխանյան Շ., նշվ. աշխ.:

⁹ Տե՛ս Վանանդեցի Գ., Մայիսյան ապստամբության գնահատման փորձի առթիվ (Կոմունիստ, 1927, N. 6):

¹⁰ Տե՛ս Դուրգարյան Հ., Մայիսյան ապստամբությունը Հայաստանում (Շ.Ամիրխանյանի գրքի առթիվ) (Կոմունիստ, 1927, N 9-10):

¹¹ Տե՛ս Մանդալյան Թ., նշվ. աշխ.:

«Արմենկոմում նստած էին պատահական անձինք»¹² :

Ուշագրավ է «Մայիսյան ապստամբություն» գրքույկը¹³, որտեղ, բուն նյութից բացի, շատ ընդհանրացված և համառոտ ներկայացված են 1918-1920թթ. հասարակական-քաղաքական կյանքի բոլոր ընագույնությունները: Այն կազմողը «սուտ» է համարում, թե անդրկովկասյան հանրապետությունները անկախ էին, ընչ սոսկ բանվորներին և գյուղացիներին «խաբելու միջոց էր», իսկ իրական տերերը «անգլիական, ֆրանսիական և ամերիկյան իմպերիալիստներն էին»¹⁴:

Խորհրդահայ պատմագիտության մեջ Առաջին հանրապետության պատմության տարբեր հարցերին, որպես գիտական թեմա, առաջինն անդրադարձել է ակադեմիկոս Մ. Ներսիսյանը, որը քննվող թեման ներկայացրել է ընդհանրացված ձևով¹⁵: Ըստ հեղինակի, Առաջին հանրապետությունն «անվերջ պատերազմների ու ջարդերի մի զարհուրելի թատերաբեմ էր, անընդհատ պատերազմական գործողությունների մեջ էր գտնվում և շարունակ կռիվներ էր մղում հարևան երկրների հետ»¹⁶: Անդրադառնալով կառավարող ՀՀ Դաշնակցության ազգային-գյուղացիական քաղաքականությանը և բանվորության նկատմամբ ունեցած վերաբերմունքին՝ Մ. Ներսիսյանը կատարել է ժամանակին հատուկ եզրակացություններ: Այսպես, նրա կարծիքով, այդ կուսակցությունն իր տիրապետության ընթացքում վարել է հակաբանվորական, բուրժուական, հակահեղափոխական քաղաքականություն: Անդրադառնալով մինչև 1920թ. տեղի ունեցած բանվորական մի շարք աննշան ելույթներին՝ հեղինակը չափազանցում է դրանց գերը, գտնելով, որ «այդ ցույցերը, իրոք, այնքան հուժկու, մասսայական և մարտական էին, որ ցնցեցին դաշնակ պետականության հիմքերը, այնքան հեղափոխական բնույթ ունեին, որ Դաշնակցությունը սարսափի մատնվեց»¹⁷:

1920-1930-ական թվականների խորհրդահայ պատմագիտության կողմից Մայիսյան ապստամբության պատմությանը նվիրված հետազոտություններից պետք է առանձնահատուկ հիշատակել Կ. Ղազարյանի գրած շատ ծավալուն և հանգամանալից գիտական առաջաբանը¹⁸: Տալով ապստամբության տեսամեթոդական դնահատականները՝ նա այն «էպիզոդիկ և կղզիացած երևույթ» չի համարում, քանզի այն նախորդ չրջանի հեղափոխական շարժումների զարգացման հետևանք էր, որը նախապատրաստվել էր ոչ շուտ, քան 1918թ.: Ավելին, հեղինակն այն աներկբա համարում է ՀՀ Դաշնակցության վարած հակաաշխատավորական սոցիալ-տնտեսական քաղաքականության հետևանք: Կ. Ղազարյանը մի շարք հարցերի վերլուծման նկատմամբ ցուցաբերում է միակողմանի և դասակարգային դիրքորոշում: Այսպես, նա առաջ է քաշում հետևյալ սխալ տեսակետը. «Դաշնակցության ծրագրային և գործնական կյանքի

¹² Տե՛ս Борян Б. А., Армения, международная дипломатия и СССР, ч. II, М., 1929, с. 101-102, 114.

¹³ Մայիսյան ապստամբությունը, 1920-1930, Ե., 1930:

¹⁴ Նույն տեղում, էջ 4:

¹⁵ Ներսիսյան Մ., Նոյեմբերյան հեղափոխությունը Հայաստանում, Ե., 1935:

¹⁶ Նույն տեղում, էջ 33-41:

¹⁷ Նույն տեղում, էջ 41-56:

¹⁸ Տե՛ս Առաջին մասսայական հեղափոխական շարժումները Հայաստանում ..., էջ 5-68:

նպատակն է եղել, - գրում է նա, - Հայաստանում ստեղծել ըուրժուական պետություն՝ իր բոլոր հիմնական և բնորոշ կողմերով՝ կալվածատիրության պահպանմամբ և կապիտալիստական շահագործմամբ»։ Այս ամենին զուգահեռ, ըստ նրա, այդ կուսակցությունը «իր գոյության ժամանակամիջոցում» Հայաստանի համար «մեծ պետությունների մանդատն է որոնել, սակայն Հայ ըուրժուագիայի կուսակցության հիմնական օրինադրության եղել է ցարական»։¹⁹

Մայիսյան ապստամբության կապակցությամբ դիտարկելով ԱՄՆ-ի քաղաքականությունը՝ նա խորապես համոզված և անվարան չեչտում է։ «Կարելի է հաստատ ասել, որ ամերիկյան ներկայացուցչության ակտիվ մասնակցությամբ է մշակվել մայիսյան շարժումների դեմ ռազմական գործողությունների պլանը»։ Հետաքրքիր է նկատել, որ նրա կարծիքով, հենց մայիսյան շարժումներն էլ բացահայտեցին Հայաստանում ամերիկյան կապիտալի «անսահման իշխանություն ունենալու, երկրի փաստական տեր ու տնօրեն» լինելու փաստը։ Այս համապատկերում քննելով հանրապետության սոցիալական դրության սրման հարցը՝ հեղինակը եզրակացնում է, որ Հայաստանի «ինքնամիտքի վիճակը, տնտեսական և աշխարհագրական կղզիացումը և դաշնակցության վարած սոցիալ-տնտեսական քաղաքականությունը» երկիրը հասցրեցին «անանկության և առաջ բերին ընդհանուր կրիզիս», որոնք վերածվեցին ապստամբության²⁰։

Պատմական իրականությունն անհարիր է հեղինակի այն պնդումը, որ իբր հանրապետության բանվորության տնտեսական և քաղաքական կյանքն «ավելի վատ է եղել, քան մի որևէ այլ ժամանակ», ինչը, իբր, մայիսյան շարժումների նախօրյակին հանգեցրել է «բանվորական դժգոհությունների, գործադուլների և ցույցերի աննախընթաց աճմանը»։²¹ Անընդունելի է Կ. Ղազարյանի նաև այն մոտեցումը, որով ՀՀ Դաշնակցության սոցիալ-տնտեսական քաղաքականության «առաջին զոհ» է դիտվում «միանգամայն իրավազուրկ մի մասսա» դարձած բանվորությունը։ Ավելին, նա այդ կուսակցության գործունեության ընդհանուր գիծ է համարել հակաբանվորական քաղաքականությունը²², մինչդեռ, ՀՀ Դաշնակցության մեջ անհամեմատ ավելի շատ բանվորներ են ընդգրկված եղել, քան Հայ բոլշևիկյան կազմակերպություններում²³։

Անարդարացիորեն քանիցս չեչտելով Հայ խոշոր ըուրժուագիայի ծրագիրը «գիտակցաբար և մեծ հաստատակամությամբ» իրագործելու ՀՀ Դաշնակցության պատրաստակամության մասին՝ հեղինակն այն կարծիքին է, որ այդ կուսակցությունը «չուժեց, ոչ էլ զրադվեց» գյուղացիական հարցով։ Ընդհանուր գծերով ներկայացնելով հողային քաղաքականությունը, գյուղի ու գյուղացու վիճակը, հողազրկության և սոցիալական չերտավորման մասշտաբները՝ հեղինակը դտնում է, որ ՀՀ Դաշնակցությանը «երբեք գիտականորեն չի ուսումնասիրել Հայաստանի էկոնոմիկայի հարցերը»²⁴։

Կ. Ղազարյանն իրավացի է՝ չեչտելով մինչ այդ եղած աշխատություններում Մայիսյան ապստամբության նախօրյակի հեղափոխական շարժումներն ամբողջովին ուսումնասիրված չլինելու փաստը։ Մյուս կողմից, նա Մայիսի 1-ը տոնելը պայմանավորում է այն հանգամանքով, որ դրանով ՀՀ Դաշնակցությունը ձգտում էր ցույց տալ մասնավորապես հետևյալը. «1. Հայաստանում գոյություն

¹⁹ Նույն տեղում, էջ 7։

²⁰ Նույն տեղում, էջ 10-11։

²¹ Նույն տեղում, էջ 12-13։

²² Նույն տեղում, էջ 16-17։

²³ Նույն տեղում, էջ 19-25։

ունեն սոցիալիստական կուսակցություններ, որոնք միջազգային պրոլետարիատի հետ տոնում են մայիսի 1-ը, 2. Այդ կուսակցությունները Հայաստանում ազատ են գործում, 3. Հայաստանում թույլատրվում էր սոցիալիզմի, մարքսիզմի, Երրորդ ինտերնացիոնալի գաղափարների պրոպագանդումը, 4. Մայիսի 1-ի տոնը Համայն Հայության տոնն է, 5. Հայաստանում տիրողն աշխատավորությունն է, 6. Դաշնակցությունը ողջունում է ռուսական հեղափոխությունը»²⁴: Սրա հետ կապված՝ անբավարար է հիմնավորված նրա այն կարծիքը, որ ՀՀ Դաշնակցությունը, տեսնելով աշխատավոր զանգվածների՝ կոմունիստական շարժման մեջ իբր թե «հետզհետե ընդգրկվելը», անհրաժեշտ է համարում «զինվել սոցիալիստական լոզունգներով»²⁵: Մինչդեռ, այդ կուսակցությունը հենց սկզբից առաջնորդվել է սոցիալիստական սկզբունքներով: Բավական է հիշատակել, որ դեռ 1907թ. նա անդամակցել էր Սոցիալիստական ինտերնացիոնալին, իսկ մասնավորապես 1920թ. մայիսի 1-ի ցույցին Դաշնակցության անդամ ցուցարարները, իրենց կուսակցության հիմնադիրների նկարներին զուգահեռ, կրում էին Կ. Մարքսի մեծագիր նկարը: Այս կապակցությամբ չափազանցություն պետք է համարել հեղինակի այն պնդումը, որ մայիսի 1-ի դեպքերը ցույց տվեցին, թե, իբր, աշխատավոր զանգվածներն անվերապահ անցել են բոլշևիկների կողմը: Ապստամբության Արմենկոմի «ուշացած և անվստահ» միջամտությունը, նրա համոզմամբ, վճռորոշ անդրադարձավ շարժման հետագա զարգացման վրա, քանզի Արմենկոմը բաց էր թողել «հարմար մոմենտը, շարժումների գլուխն անցնելու պատրաստակամությունը»: Փոխարենը, դեպքերը զարգացան «միմիայն տեղական կազմակերպությունների ղեկավարմամբ, այն էլ թույլ, առանց փոխադարձ կապի, կոորդինացիայի, ղեկավարող շտաբի և ռազմական գործողությունների միասնականություն»²⁶:

Անհրաժեշտ է նկատել, որ 1920-1930-ական թվականների խորհրդահայ պատմագիտության կողմից Մայիսյան ապստամբության պարտության պատճառների շարքում բոլշևիկների ղեկավար կառույցների սխալները սովորաբար չեն նշվել, առավել ևս՝ քննադատվել: Այս կապակցությամբ, Կ. Ղազարյանի մոտեցումը բացառիկ բնույթ էր կրում թեկուզ իր որոշ տեսական սխալներով հանդերձ: Հեղինակը հատկապես մանրամասն քննարկում է նաև ապստամբության տարերայնությունը վարկածի հարցը: Այդ կապակցությամբ նա քննադատում է Ա. Հովհաննիսյանին ու Ս. Կասյանին և, միաժամանակ, տարակուսանք հայտնում, որ ոչ մի հեղինակ, իբր, չի բացատրում, թե «տարերային» ասելով ինչ է հասկանում: Հեռու գնալով՝ Կ. Ղազարյանը Հայկոմկուսի գնահատման հարցում խստորեն քննադատում է նույնիսկ այնպիսի ուղղափառ հեղինակի, ինչպիսին Ա. Կարինյանն էր: Վերջինիս և մյուսների տեսակետները նա համարում է «բոլշևիզմի հետ ոչ մի կապ չունեցող, պատմությունը և իրականությունը միայն աղավաղող, թարս նկարագրող և կոմկուսի պատմության մեջ օպորտունիստական, հակալենինյան, մենչևիկ-սպեցիֆիկյան գաղափարախոսություն»²⁷: Փաստորեն, Կ. Ղազարյանի ինչ-որ տեղ քաղաքական ընդհանրացումները կրում էին պաշտոնական բնույթ և հավակնում էին լինել խորհրդահայ պատմագրության վերջնական խոսքը: Մանավանդ, եթե նկատի ունենանք Ի. Ստալինից կատարված բազմաթիվ

²⁴ Նույն տեղում, էջ 41:

²⁵ Նույն տեղում:

²⁶ Նույն տեղում, էջ 43:

²⁷ Նույն տեղում, էջ 53-66:

մեջբերումները: Ամփոփելով՝ Կ. Ղազարյանը նշում է Մայիսյան ապստամբության պարտության մի շարք պատճառներ, որոնք հիմնականում հանգում են հետևյալին. 1. կոմկուսի որոշ ղեկավար մարմինների, հատկապես Արմենկոմի, «թույլ, ոչ կուռ ու համարձակ» գործունեությունը, միասնական ղեկավարության ու «բոլշևիկյան վճռականության» բացակայությունը, 2. ղեկավարության սխալ և թույլ լինելու հետևանքով բանվորության որոշ մասի պասիվությունը, 3. գյուղացիության թույլ մասնակցությունը, 4. ապստամբության ռազմական տակտիկայի մանրամասն մշակման բացակայությունը, բանակում թույլ աշխատանքը²⁸:

Ոչ միայն Մայիսյան ապստամբության, այլև հայ ժողովրդի նոր և նորագույն շրջանների պատմության, հասարակական-քաղաքական կյանքի ու սոցիալ-տնտեսական թեմաների, հատկապես հեղափոխական-կոմունիստական շարժումների հետագա ուսումնասիրության տեսանկյունից ծայրահեղ բացասական և արգելակիչ դեր խաղաց Անդրերկրկոմի քարտուղար, Կոմկուսում Ի. Ստալինի դրած Ռ. Բերիայի՝ պատմագիտության հետ բացարձակապես ոչ մի առնչություն չունեցող և գուտ անհատի պաշտամունքի գովաբանությունը նպատակաուղղված գիրքը²⁹: Դրանից հետո սպանվեց Ա. Խանջյանը, իսկ 1936-1938 թթ. բռնաճնշումների ենթարկվեցին Արմենկոմի և Մայիսյան ապստամբության ղեկավարներն ու մասնակիցները: Դրանից հետո, բնականաբար, արգելվեցին և շրջանառությունից հանվեցին մասնակիցների դրած գրքույկներն ու հուշերը, փաստաթղթերի ժողովածուները: Փաստորեն, 1921-1936 թթ. կատարված ամբողջ պատմագիտական և հուշագրական աշխատանքները համարվեցին «հակախորհրդային»:

Միայն Ի. Ստալինի մահից և հատկապես 1956 թ. կայացած ԽՄԿԿ XX համագումարից հետո վերսկսվեց թեմայի ուսումնասիրությունը: Հ. Տոնոյանն առաջիններից մեկը հիմնահարցին անդրադարձավ առանձին աշխատությամբ³⁰, ապա մեկը մյուսի հետևից սկսեցին հրատարակվել ակադեմիկոս Գ. Ղարիբջանյանի աշխատությունները³¹: Դրանցում Մայիսյան ապստամբության պատմությունը, թեպետ ներկայացված է հնարավորինս մանրամասն և բոլոր շրջանների կտրվածքով, սակայն ժամանակի հեռավորությունից ակնառու է հարցերի վերլուծման նկատմամբ կանխակալ վերաբերմունքը, որը հիմնականում պետք է բացատրել տիրող գաղափարախոսության պահանջներով³²: Մեծ վերապահությամբ պետք է ընդունել հեղինակի այն միտքը, որ 1920 թ. մայիսին զինված ապստամբության միջոցով «դաշնականների» տիրապետության տապալումը և խորհրդային իշխանության հաստատումը Հայաստանում «միանգամայն հասունացած հարց էր»: Մյուս կողմից, դժվար է համաձայնվել նրա այն տեղին դիտողության հետ, որ Ռ. Կ(Բ) Հայաստանի կոմիտեն և Ռազմա-հեղափոխական

²⁸ Նույն տեղում, էջ 67-68:

²⁹ Տե՛ս Բերիա Լ., Անդրկովկասի բոլշևիկյան կազմակերպությունների պատմության հարցի շուրջը, Թիֆլիս, 1935:

³⁰ Տե՛ս Տոնոյան Հ. Գ., Փառապանծ էջ Հայաստանի ռեդյուցիոն շարժումների պատմությունից: Մայիսյան ապստամբությունը Հայաստանում (համառոտ ակնարկ), Ե., 1955:

³¹ Տե՛ս Ղարիբջանյան Գ. Բ., Ալեքսանդրապոլի բոլշևիկյան կազմակերպությունը 1917-1920 թվականներին, Ե., 1953, նույնի՝ Մայիսյան ապստամբությունը Հայաստանում 1920 թվականին, Ե., 1955, Տե՛ս նույնի՝ Հայաստանի կոմունիստական կազմակերպությունները սովետական իշխանության հաղթանակի համար մղված պայքարում, Ե., 1955:

³² Ղարիբջանյան Գ. Բ., Մայիսյան ապստամբությունը Հայաստանում 1920 թվականին, էջ 29-89:

կոմիտեին թույլ տվեցին «լուրջ քաղաքական և ռազմա-ստրատեգիական սխալներ»․ արդյունքը եղավ այն, որ չկարողացան միավորել Հայաստանի տարբեր շրջանների ապստամբների ուժերը, ցուցաբերեցին «անվճռականություն... թշնամիների նկատմամբ»³³։

Քննվող թեմայի ուսումնասիրության առումով Հատկապես արժեքավոր են ակադեմիկոս Գ. Գալոյանի աշխատությունները, որոնցում հեղինակը Հատուկ և մասնակիորեն ներկայացրել է ինչպես Մայիսյան ապստամբության, այնպես էլ Հայաստանում խորհրդային կարգերի Հաստատման ամբողջական պատմությունը՝ այն շաղկապելով նախորդ և հետագա ռազմաքաղաքական ու դիվանագիտական իրադարձությունների հետ՝ որպես նորույթ Հանգամանորեն վերլուծելով ու քննադատելով նաև արևմտյան տերությունների դիրքորոշումը³⁴։

Առանձնապես պետք է հիշատակել ակադեմիկոս Ծ. Աղայանի՝ փաստերով հարուստ և ղեռնա իրենց պատմագիտական հնչեղությունը պահպանող բազմաթիվ աշխատությունները և հոդվածները։ Հեղինակը, խորհրդային պատմագիտության որդեգրած պաշտոնական Հայեցակետերի շրջանակներին միանգամայն Հավատարիմ մնալով և երկարամյա տարիների աշխատանքի ընթացքում հիմնավորապես ուսումնասիրելով թեման, այն դիտարկել է անդրկովկասյան երկրամասի մասշտաբով և ձգտել է ներկայացնել ժամանակաշրջանի պատմության բոլոր հիմնահարցերի Համապատկերը³⁵։

1950-1960-ական թվականներին հրատարակված աշխատություններում, Մայիսյան ապստամբության թեմային անդրադարձներ եղել են՝ կապված Հայաստանի կոմունիստական կուսակցության կամ խորհրդայնացման ընդհանուր գործընթացի հետ³⁶։ Սակայն ինչպես, օրինակ, ակադեմիկոս Վ. Միքայելյանն է դիպուկ բնութագրել, մասնավորապես, Ծ. Աղայանի «Հոկտեմբերյան ռևոլյուցիան և Հայ ժողովրդի ազատագրումը» գրքի Համապատասխան գլուխը, «չի կարելի

³³ Նույն տեղում, էջ 91-92։

³⁴ Տե՛ս Գալոյան Դ. Ա., *Борьба за Советскую власть в Армении*, М., 1957, նույնի՝ *Октябрьская Революция и возрождение народов Закавказья*, М., 1977, նույնի՝ *Рабочее движение и национальный вопрос в Закавказье, 1900-1922*, Е., 1969, նույնի՝ *Социалистическая революция в Закавказье в освещении буржуазной историографии*, М., 1960, նույնի՝ *Մայիսյան հերոսական ապստամբությունը*, Ե., 1960, նույնի՝ *Հերոսական մայիսից - հաղթական նոյեմբեր*, Ե., 1980, նույնի՝ *Պատմության քառուղիներում։ Ազատագրված ժողովրդի վերածնունդը*, Ե., 1982, նույնի՝ *Անդրկովկասում սոցիալիստական ռևոլյուցիայի և կոմունիստական չինարարության պատմության կեղծարարության դեմ*, Ե., 1961։

Աղայան Ծ. Պ., *Հոկտեմբերյան ռևոլյուցիան և Հայ ժողովրդի ազատագրումը*, Ե., 1957, նույնի՝ *Հոկտեմբեր և Հայ ժողովրդի ազատագրական պայքարը*, Ե., 1982, նույնի՝ *Великий Октябрь и борьба трудящихся Армении за победу Советской власти*, Е., 1962, նույնի՝ *Победа Советской власти и возрождение армянского народа*, М., 1981, նույնի՝ *Развал буржуазно-националистической диктатуры дашнаков и победа Советской власти в Армении в 1920 году (История СССР, 1960, N 6)*։

³⁶ Տե՛ս, օրինակ՝ *Эльчибекян А. М., Установление Советской власти в Армении*, Е., 1954, նույնի՝ *Великая Октябрьская социалистическая революция и победа Советской власти в Армении*, Е., 1957; *Карапетян С. Х., Коммунистическая партия в борьбе за победу Октябрьской Революции в Армении*, Е., 1959, *Սահրադյան Ս. Մ.*, *Ռադմոսկոյուցիոն կոմիտեները Հայաստանում*, Ե., 1961։

ասել, թե Մայիսյան ապստամբությունը նվիրված է ջերր նորություն են»³⁷:

1956թ. հետո եղած հրատարակություններից առանձնահատուկ պետք է նշել Հ. Կարապետյանի ուսումնասիրությունը³⁸, որը, փաստորեն, Մայիսյան ապստամբության վերաբերյալ դրված առաջին և կարելի է նաև ասել՝ միակ հատուկ ուսումնասիրությունն է թե՛ իր ծավալով և թե՛ հիմնախնդրի ամբողջական ներկայացմամբ: Հեղինակը բազմաթիվ հարցերի պատասխանել է փաստերով հիմնավորված՝ տալով արժեքավոր տեսամեթոդական եզրահանգումներ: Ի դեպ, ուշագրավ պետք է համարել այն, որ հեղինակը հնարավորության սահմաններում հավաքել և օգտագործել է կենդանի մնացած մասնակիցների վկայությունները և դրանց վրա հիմնվելով՝ փորձել որոշակի ճշգրտումներ կատարել: Մյուս կողմից, հեղինակը գրեթե զերծ է մնացել ապստամբության հետ կապված հարցերին վերջնական պատասխաններ տալուց:

1920թ. Մայիսյան ապստամբության վերաբերյալ խորհրդահայ պատմագիտություն մեջ եղած բազմաթիվ ուսումնասիրություններից հատկապես պետք է առանձնացնել Ա.Մելքոնյանի աշխատությունը³⁹: Նրանում հեղինակը հիմնախնդիրը ներկայացրել է ոչ թե շատ աշխատություններին հատուկ միապաղաղ և սխեմատիկ բնույթով, այլ անդրադարձել ու ամենայն մանրամասնությամբ քննարկել է գերազանցապես ապստամբության հետ կապված վիճահարույց հարցերը: Չնայած որոշ դեպքերում առկա մակերեսային ձևակերպումներին, այնուամենայնիվ, նա տվել է հիշյալ հարցերի միանգամայն խոր վերլուծություն՝ չանտեսելով անգամ ամենից չնչին թվացող մանրուքները: Ա.Մելքոնյանը այն եզակի հեղինակներից է, որ ընդհանուր գծերով անդրադարձել է թեմայի պատմագիտական տեսությունը: Փաստորեն, Ա.Մելքոնյանի աշխատությունը անհրաժեշտ է դիտարկել և արժևորել հենց հիշյալ հանգամանքներից ելնելով: Անդրադառնալով թեմայի պատմագրությանը՝ հեղինակն այն դասակարգում է երեք շրջանի՝ 1920-1935թթ., 1935-1953թթ. և 1956թ. հետո: Կարծում ենք, որ Ա.Մելքոնյանի այս բաժանումը կարելի է ընդունել: Ներկայացնելով հարցի վերաբերյալ հիմնական աշխատությունները՝ հեղինակը բացահայտում է դրանց կողմերը և ցույց տալիս թերություններն ու սխալները:⁴⁰ Հեղինակին պետք է արժանին հատուցել Մայիսյան ապստամբության ղեկավարներին ու մասնակիցներին, մասնավորապես Ավիս Նուրիջանյանին տրված ընդհանուր առմամբ անկողմնակալ գնահատականների համար:

Հարկ է անդրադառնալ նաև հանրապետության սոցիալ-քաղաքական իրադրությունը Ա.Մելքոնյանի տված մի շարք վիճահարույց գնահատականներին: Մասնավորապես, խնդիրը վերաբերում է Հայկական բանակի կառուցվածքին: Այդպես, խոսելով այսպես կոչված խմբապետական զորամասերի մասին, նա նշում է դրանց՝ գերազանցապես «մաուզերիստներով, քրեական տիպերով» համալրված լինելը: Ինչ վերաբերում է կանոնավոր զորամասերին, ապա, հեղինակի կարծիքով, դրանց շարքային զինվորների «ճնշող մեծամասնությունը բոլշևիկորեն էր տրամադրված»⁴¹: Սակայն նման ձևակերպումների համար հիմնավոր փաստարկներ չկան:

³⁷ Տե՛ս Լենինյան ուղիով, 1963, N11, էջ 102:

³⁸ Տե՛ս Կ ա ր ա պ ե տ յ ա ն Հ . Ս . , Մայիսյան ապստամբությունը Հայաստանում, 1920թ., Ե., 1961:

³⁹ Տե՛ս Մ ե լ ք ո ն յ ա ն Ա . Հ . , Մայիսյան ապստամբության պատմության հարցի շուրջը, Ե., 1965:

⁴⁰ Նույն տեղում, էջ 5-55:

⁴¹ Նույն տեղում, էջ 88:

Ներկայացնելով 1920թ. մայիսի 1-ի «Համաժողովրդական» ցույցերը՝ Ա.Մելքոնյանը եզրակացնում է, որ Հայաստանի աշխատավորների «ճնշող մեծամասնությունը բոլշևիկների կողմն էր, սովետական իշխանություն էր ուղղում»⁴², իսկ այդ ցույցերի հետևանքով «ցնցվեցին դաշնակցական կառավարության հիմքերը»⁴³: Նա միանգամայն անհիմն է համարում գրականության մեջ եղած այն վիճելի պնդումը, ըստ որի, իբրև Արմենկոմը զինված ապստամբության խնդիր չի դրել: Փորձելով ապացուցել այդ կարծիքի սխալ լինելը՝ հեղինակն անդրադառնում է Ալեքսանդրապոլի կոմիտեի հակադիր պլանին՝ ապստամբությունը սկսել ոչ թե Դիլիջանից, այլ հենց Ալեքսանդրապոլից, և ցույց տալիս, որ Արմենկոմը նման սանկցիա չէր տվել: Վերլուծելով այդ ամենը՝ Ա.Մելքոնյանը ճիշտ է եզրակացնում, որ Ալեքսանդրապոլի կոմիտեն վարում էր «անկախ գիծ, նրա կողմից սանկցիա պահանջելը ձևական էր»⁴⁴: Միաժամանակ, քննելով Ալեքսանդրապոլի կոմիտեի՝ ապստամբության սանկցիա տալու որոշման ձգձգման հարցը՝ նա գտնում է, որ այն դրանով վնասեց գործին, քանզի Արմենկոմը «չկարողացավ ճիշտ գնահատել ստեղծված ուղղություն իրադրությունը», «ուղղությունից ուժերը գերակշռում էին ռեակցիայի ուժերին» և հնարավոր էր առանց Խորհրդային Ռուսաստանի ռազմական օգնության տապալել դաշնակցականների իշխանությունը: Դրա համար հեղինակը բավարար է համարում Արմենկոմի «վճռական» քաղաքականությունը⁴⁵:

Ա.Մելքոնյանը հատուկ վերլուծում է Ալեքսանդրապոլի կոմիտեի վարքագիծը:⁴⁶ Նրա կարծիքով, կոմիտեն թեպետ «առաջինը վճռական ու համարձակ» քայլերի դիմեց, սակայն միաժամանակ զինված ապստամբության հարցում թույլ տվեց «տակտիկական սխալներ, ցուցաբերեց շտապողականություն, հաշվի չառավ մնացած գավառներում ուղղություն ուժերի պատրաստականության վիճակը»: Այդ կապակցությամբ, հեղինակը միանշանակ համոզված է, որ առանց Արմենկոմի հետ համաձայնեցնելու և միայն տեղի ուժերի վրա հենվելով, անմիջապես ապստամբության կուրս վերցնելու կարիք չկար: Իսկ արդեն մայիսի 1-ին Ալեքսանդրապոլից ապստամբության սկսվելուց հետո զինված պայքարի սկզբնավայրի որոշման հարցադրումը նա իրավամբ համարում է «անիմաստ ու անպտուղ»: Ա.Մելքոնյանն այն մասամբ բացատրում է Հեղկոմի կազմի ցրվածությամբ և որոշ մասի արտաքսված կամ ձերբակալված լինելով: Նա նաև նշում է, որ Հեղկոմի՝ Ալեքսանդրապոլում գտնվող անգամները, Ա.Նուրիջանյանի գլխավորությամբ, փաստորեն հակադրվում էին Արմենկոմին: Ինչևէ, այս հարցում ևս մասամբ պաշտպանելով Արմենկոմին՝ հեղինակը նրա վարած գիծը ճկունության և հաստատակամության տեսանկյունից թերի է գտնում:⁴⁷ Խնդիրն անաչառորեն դիտարկելով՝ նա եզրակացնում է, որ Ռազմահեղափոխական կոմիտեն «ոչ կարողացավ կանոնավոր հարձակում

⁴² Նույն անդում, էջ 93:

⁴³ Ա.Մելքոնյանին համամիտ է Ռ.Հովհաննիսյանը, ըստ որի՝ «մայիս մեկի տոնակատարություններում բոլշևիկյան ցույցերը ողջ Հայաստանի տարածքին եւ հատկապես Ալեքսանդրապոլի գորավոր ցույցը դաշնակցության մեջ առաջ քաշեցին ճգնաժամի ընթացքին երկիրը առաջնորդելու Ալեքսանդր Խատիսյանի կարողության շուրջ վեճը: Կուսակցության բազմաթիվ արմատականներ Ռուբեն Տեր-Մինասյանի գլխավորությամբ արդեն կոչ կուղղեին կեդրոնաձիգ, հեղափոխական վարչաձևի» (Երկիր, 13. III. 1993):

⁴⁴ Մելքոնյան Ա. Հ., նշվ. աշխ., էջ 96-103:

⁴⁵ Նույն տեղում, էջ 105:

⁴⁶ Նույն տեղում, էջ 108-113:

⁴⁷ Նույն տեղում, էջ 119-120:

կազմակերպել, ոչ պաշտպանություն և ոչ էլ նահանջ. նահանջը փաստորեն վերածվեց փախուստի»:⁴⁸ Հեղինակն ընդհանուր գծերով անդրադառնում է նաև Քավթառլուի, Կարսի, Կաղզվանի, Սարիղամիշի, Նոր Բայազետի և Դիլիջանի շրջաններում տեղի ունեցած ելույթներին⁴⁹: Ա.Մելքոնյանն ուշադրավ պատմաքննական մեթոդով հանգամանորեն վերլուծում է Մայիսյան ապստամբության պարտության պատճառները⁵⁰: Շեշտելով այն հանգամանքը, որ Մայիսյան ապստամբության հաղթանակի համար օբյեկտիվ և սուբյեկտիվ պայմաններն առկա էին, հեղինակը միաժամանակ քննում է նրա պարտության հինգ խումբ պատճառներ: Նախ, նրա կարծիքով, ապստամբությունը պետք եղած չափով չէր նախապատրաստվել, ինչին խանգարել են Արմենկոմի անվճռականությունը և ներկուսակցական տարաձայնությունները, հեղափոխական ուժերի՝ Արմենկոմի կողմից թերազնահատվելը: Նրա քննադատության թիրախ են դարձել և որպես պարտության պատճառ մատնանշվել նաև ռազմահեղափոխական կոմիտեի և նրա տեղական մարմինների կատարած սխալները: Որպես պարտության պատճառ, հեղինակը նշում է նաև հանրապետության կառավարությանը մյուս կուսակցությունների և եկեղեցու ցուցաբերած աջակցությունը: Վերջապես, այդ պատճառների շարքում հիշատակվում է կառավարությանը Վրաստանի և անգլո-ամերիկյան ուժերի աջակցությունը:

1920թ. Մայիսյան ապստամբության և Հայաստանում խորհրդային կարգերի հաստատման հիմնահարցը բավական ակտիվ քննարկվել է նաև սփյուռքահայ (Հատկապես դաշնակցական) հեղինակների կողմից: Թեմայի սփյուռքահայ ուսումնասիրության դրվածքն ընդհանուր գծերով պատկերացնելու նպատակով բազմաթիվ հեղինակների աշխատություններից հիշատակենք Կարո Սասունու հուշագրությունը⁵¹: Նախ և առաջ պետք է նշել, որ այս գրքի արժեքն այն է, որ հեղինակը քննվող իրադարձությունների ականատեսն է և դրանց հետևանքով ձևավորված ռազմաքաղաքական իրավիճակը կարգավորող պետական գործիչներից մեկը: Ի վերջո, պետք է նկատի ունենալ նաև հեղինակի դաշնակցական լինելը, որը, բնականաբար, իր ազդեցությունն է թողել դեպքերի վերլուծության վրա: Հեղինակը մանաբանական շարադրում է Կարսի, Ալեքսանդրապոլի և Նոր Բայազետի շրջաններում տեղի ունեցած դեպքերը, որոնք բնութագրում է ոչ թե «ապստամբություն», այլ «խռովություն», «անցքեր», «չարժում» և հար և նման ձևակերպումներով: Հատկանշական է այն փաստը, որ Կ.Սասունին Մայիսյան ապստամբության ընթացքը ներկայացնում է թաթարական շրջաններում ծագած ապստամբություններին զուգահեռ, մեկ ընդհանուր համապատկերում, որպես Առաջին հանրապետության անկախ պետականության դեմ ուղղված շարժումներ: Փաստորեն, հեղինակը բուլշևիկներին և թաթարներին (այսինքն՝ ադրբեջանցիներին) դիտարկում է միևնույն ճակատի վրա դնելով նրանց դիտելով հակապետական տարրեր: Հարցը դիտարկելով Ռուսաստանի քաղաքականության հենքի վրա՝ հեղինակը գտնում է, որ Հայաստանն «իր հայրենիքի և աշխատաւոր ժողովրդի ազատությունը ամեն բանէ վեր կը դասէր: Եղած խռովությունները ան դիմադրաւեց որպէս Ռուսաստանէն և Թիւրքիայէն եկած վտանգ և յաղթական դուրս եկաւ»⁵²:

⁴⁸ Նույն տեղում, էջ 141-147:

⁴⁹ Նույն տեղում, էջ 151-163:

⁵⁰ Նույն տեղում, էջ 165-186:

⁵¹ Սասունի Կ., Մայիսյան խռովությունները և թաթարական ապստամբ շրջանները (Հայաստանը 1920- ին), Պէրոպ, 1968:

⁵² Նույն տեղում, էջ 190:

Ինչ վերաբերում է Հայաստանում բոլշևիկների գործունեությանը, ապա Կ. Սասունու կարծիքով, այս «բոլորովին ցուցարարական և խռովարարական բնույթ կը կրէր, գործելակերպ մը՝ որ Հայաստանը կը տկարացնէր ի հաշիվ Ռուսաստանի և Թիւրքիոյ, ատիկա էր Ռուսաստանի իսկական նպատակը»⁵³։ Ավելին, նա բոլշևիկների կատարած քայլը համարում է «պարզ խռովարարական փորձ ի հաշիւ այլ պետութեան»։ Իսկ բոլշևիկների անհաջողության գլխավոր պատճառը նրա համոզմամբ այն էր, որ «համակրութիւն չէին գտած Հայաստանի կազմակերպուած աշխատաւորութեան մէջ»⁵⁴։ Հանրապետության կառավարության ձեռնարկած սոցիալ-տնտեսական, ագրարային միջոցառումները ներկայացնելով և քննարկելով ՀՀ Դաշնակցության գաղափարական հայեցակետերի տեսանկյունից ու հակադրելով բոլշևիկների տեսագործական մոտեցումներին՝ Կ. Սասունին շեշտում է. «Իրականութիւնը եկաւ ապացուցանելու, որ միակ աշխատաւորական կուսակցութիւնը Դաշնակցութիւնն էր Հայ կեանքին մէջ։ Մնացեալները մահուան դատապարտուած էին, իսկ բոլշևիկները գործակալները դարձան մեծն Ռուսաստանի կարմիր բանակներուն, ստրկացնելու համար ազատագրուած Հայ ժողովուրդը»⁵⁵։

Ամփոփելով խորհրդահայ պատմագիտության կողմից 1920թ. Մայիսյան ապստամբության ուսումնասիրության քննական վերլուծությունը՝ հարկ է նկատել, որ առանց չափազանցության, Հայաստանի Առաջին Հանրապետության պատմության հիմնահարցերի ողջ համակարգում այս թեմայի ուսումնասիրությունը խորհրդահայ պատմագիտության համար ունեցել է շատ կարևոր քաղաքական նշանակություն։ Արժանիորեն բարձր գնահատելով թեմայի ուսումնասիրության բնագավառում խորհրդահայ պատմագիտության նշանակալի ավանդը և անուրանալի ձեռքբերումները՝ ավելորդ չէ նշել, որ այն զերծ չի եղել ներկայումս արդեն անընդունելի տեսամեթոդական սխալ ձևակերպումներից։

ПРОБЛЕМА МАЙСКОГО ВОССТАНИЯ 1920г. В СОВЕТСКО-АРМЯНСКОЙ ИСТОРИОГРАФИИ

КАРЯН С.М.

Р е з ю м е

Исследование этой темы в советско-армянской историографии имело важное значение в аспекте проблем первой Республики Армения. Достойно оценивая вклад армянской советской историографии в исследование этой проблемы, нелишне отметить, что многие теоретико-методические формулировки в настоящее время уже неприемлемы.

⁵³ Նույն տեղում, էջ 196։

⁵⁴ Նույն տեղում, էջ 197-199։

⁵⁵ Նույն տեղում, էջ 203-204։